




## Canllawiau Cyfathrebu i Sefydliadau wrth Godi Ymwybyddiaeth o Sgamiau a Thwyll: Crynodeb

Mae'r Comisiynydd wedi bod yn gweithio gyda grwpiau o bobl hŷn ledled Cymru i edrych ar ffyrdd o wneud gwybodaeth am sgamiau a thwyll ariannol yn fwy diddorol ac effeithiol.

Isod ceir crynodeb o'r prif bwyntiau a godwyd gan bobl hŷn yn ystod y sesiynau hyn, sy'n tynnu sylw at bethau pwysig i'w hystyried wrth ddatblygu deunyddiau codi ymwybyddiaeth.

Mae crynodeb manylach o'r materion a'r syniadau a gafodd eu rhannu gan bobl hŷn yn ystod y sesiynau hyn ar gael yma hefyd:

- Dylai gwybodaeth fod ar gael mewn amrywiaeth o fformatau, i adlewyrchu gwahanol anghenion a dewisiadau pobl hŷn.
- Dylid ystyried lefelau allgáu digidol ymysg pobl hŷn yng Nghymru. Mae'n hanfodol sicrhau bod gwybodaeth ar gael mewn fformatau nad ydynt yn ddigidol, yn ogystal â fformatau digidol.
- Mae pobl hŷn yn dweud eu bod yn fwy tebygol o ddarllen gwybodaeth ysgrifenedig fel pamffledi a thafleuni, os ydynt yn eu disgwyl, felly ystyriwch ffyrdd o baratoi pobl hŷn i dderbyn gwybodaeth ysgrifenedig (er enghraifft, drwy hysbysebion papur newydd neu ar y radio).
- Dylai gwybodaeth ysgrifenedig fod yn fyr ac yn gryno – un neu ddwy dudalen ar y mwyaf.
- Talwch sylw i'r iaith a ddefnyddir wrth siarad am sgamiau. Osgowch jargon a geiriau sy'n awgrymu bod y dioddefwr rywsut yn gyfrifol am fod wedi cael ei sgamio.
- Gwnewch yn siŵr bod yr wybodaeth ar gael yn yr ieithoedd sy'n cael eu siarad gan bobl hŷn ledled Cymru. Mae gwybodaeth yn fwy tebygol o gael ei darllen os yw ar gael yn iaith gyntaf person hŷn.
- Rhowch wybod i bobl hŷn bod modd iddyn nhw gael eu sgamio mewn ieithoedd ar wahân i'r Saesneg.
- Mae delweddau'n gallu helpu, ond dylen nhw fod yn glir ac yn ddiamwys. Gwnewch yn siŵr nad yw'r delweddau yn 'rhoi bai ar y dioddefwr' a pheidiwch â defnyddio delweddau sy'n stereoteipio pobl hŷn.
- Pan fo'n bosib, chwiliwch am gyfleoedd i rannu gwybodaeth mewn trafodaethau grŵp wyneb yn wyneb.
- Gwnewch yn siŵr bod pobl hŷn yn cael eu cefnogi i adnabod sgamiau a gwybod ble i fynd / pwy i gysylltu â nhw os ydyn nhw'n amau eu bod wedi cael eu sgamio.
- Rhowch resymwaith clir dros riportio sgamiau. Efallai fod pobl hŷn yn amharod i wneud hynny oherwydd eu bod yn teimlo cywilydd neu embaras.



# Comisiynydd Pobl Hŷn Cymru

Mae Comisiynydd Pobl Hŷn Cymru yn llais annibynnol ac yn eiriolydd ar ran pobl hŷn ledled Cymru.

Mae'r Comisiynydd yn cymryd camau i warchod hawliau pobl hŷn, rhoi diwedd ar oedraniaeth a gwahaniaethu ar sail oedran, atal cam-drin pobl hŷn a galluogi pawb i heneiddio'n dda.

**Mae'r Comisiynydd yn gweithio i sicrhau Cymru lle mae pobl hŷn yn cael eu gwerthfawrogi, lle mae hawliau'n cael eu cynnal a lle nad oes neb yn cael ei adael ar ôl.**

## Sut i gysylltu â'r Comisiynydd:

Comisiynydd Pobl Hŷn Cymru  
Adeiladau Cambrian  
Sgwâr Mount Stuart  
Caerdydd  
CF10 5FL

Ffôn: 03442 640 670

E-bost: [ask@olderpeople.wales](mailto:ask@olderpeople.wales)  
Gwefan: [www.comisiynyddph.cymru](http://www.comisiynyddph.cymru)

Twitter: [@comisiwnphcymru](https://twitter.com/comisiwnphcymru)